

KONTROL MOZIOA

LOURDES TXIKIKO MAGALARI BURUZKOA,

Garbiñe Alkiza Lopez de Samaniego EH BILDU udal taldeko zinegotziak, Udaltzaren Organo Araudiko 98. artikulua oinarri, mozio hau aurkezten du, Udaltzaren azter dadin. Mozioa 2019ko azaroaren 11n Lurralde Garapen eta Planifikazio Batzordea aurkeztutako interpelazioaren ondorioa da.

JUSTIFIKAZIOA

2017ko apirilean Ekintzako hurren segurtasuna dela eta, Udaleko Hirigintza Departamenduak eskola luiziez eta erorketez babesteko neurriak betetzeko exekuzio-agindua eman zion eskola gaineko magaleko lur-jabeari. Udal-aginduak soilik eskolaren 50 m-ko perimetroan segurtasunerako baso-mozketa egiteko agindua eman arren, lur-jabeak 2,5 hektarea soildu zituen.

Argitu behar da baso hau Plan Orokorrak babestutako zuhaitzia dela, hiri-planeamenduan babesturik zegoela, alegia.

Hala ere, ia kilometro bateko pista-sarea ere ireki zuten, arrazoia izanik ez zegoela exekuzio-eremura iristeko beste modurik. Horrek lurzoru galera eta higadurari bidea eman zion. Haritzaldekin zein Eguzkik basakeria hura publikoki salatu zuten.

Mozketa hura zegokion Gipuzkoako Foru Aldundiaren baimenik gabe burutu zen eta, horregatik, Aldundiak berak lanak gelditu behar izan zituen, zigor espediente bat irekiz. Antza denez, isunaz gain, pistak lehengoratzeko eta lursaila birlandatzeko agindua luzatu zien jabeai.

Bere garaian Udalak lursaila lehengoratu eta birmoldatuko zela iragarri zuen, baina bere horretan jarraitzen du. Egun, gelditu ziren zuhaitzak Aldundiaren zaintza-lanari esker mantendu direlarik.

Urtarrilaren 22ko batzordeetan, Udal-gobernuari gaiak galdetuta, erantzun zitzaigun jada basoberritze-proiektu berri bat enkargatu zutela urrian eta urtarrilaren 15ean proiektuaren zirriborro bat ikusteko aukera izan zutela. Orain proiektua hirigintzaren esku geratuko dela eta honek helaraziko diola jabeari exekutatu dezan.

Bestalde, magalaren jabeari jarri beharreko isunari buruz galdetuta, zinegotzi ordezkariak adierazi zuenez, bere garaian informazio-espedientea irekitzea eskatu zuen, ikertzeko ea arau-hausterik izan ote zen ikertzeko. Baina aditzera eman zuenez, oraingoz ez dago zigor espedientea egiaztatzen duen txosten juridikorik.

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

Azalpen horiek kezkatu egin gaitu, izan ere, hasieran esku-hartzearen helburua segurtasuna bermatzea bazen ere, zuhaitz-mozketa erraldoi honen ondoren magalaren egonkortasun egoera okertu omen delako, babesgabetsa eta higadura-aukera handitu izanagatik. Beraz, magala egonkortu gabe izan dute hiru urtez.

Bigarrenik, Udal-gobernuko ordezkariak justifikatu nahi izan zuelako 50 m-ko hegalaz gain egin den mozketa, baimenik izan ez arren, lur jabeak zuhaitz gehiago moztu baititu.

Eta azkenik, ez dugulako informazio-espeditente horren berri eta ez dugulako zinegotzi arduradunaren aldetik espeditentea berrikusteko intentziorik ikusi.

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

- 1.- Udalbatzak hertsatuki eskatzen dio Udal Gobernuari, Ekintza ikastolako ume eta erabiltzaile guztien segurtasunerako, berma dezala 2020an atzeko magala egonkortzeko neurriak jasoko dituen proiektua egin eta gauzatzea.
- 2.- Udalbatzak hertsatuki eskatzen dio Udal Gobernuari ezarri ditzala dagozkion lehengoratzeneurri eta neurri konpentsatzaileak, basoberritze-proiektua egin dezala eta, landatzeko garaiak kontuan izanik, beranduenez 2020ko abenduan erein ditzala agindutako zuhaitzak.
- 3.- Udalbatzak hertsatuki eskatzen dio Udal Gobernuari basoberritze-proiektuaren zirriborroa gainerako udal taldeekin, Ingurumen Kontseiluarekin, Haritzalde eta Eguzkirekin partekatu dezala, jasotzen den landaredia egokia den aztertzeko.
- 4.- Udalbatzak hertsatuki eskatzen dio Udal Gobernuari egin dezala informazio-espeditente berri bat eta, behar bada, behar den espeditente zigortzailea, eta horren bidez ezar diezaiola magalaren jabeari behar duen zigorra; betiere, ondorioztatzen bada ez dela agindua edo indarrean den legedia bete.

Donostian, 2020ko urtarrilaren 24an

Garbiñe Alkiza Lopez de Samaniego
EH BILDU udal taldeko zinegotzia